

*Юрий Васильевич Потапов – Саргын*

*Эрдэнт Ньургуун*

Халдьяайы быарыттан,

Харалдык быыһыттан

Саас аайы эрдэлиир,

Ньургуун дьөрбөлүүр.

Бу күнү көрсөөрү

Бу күнтэн үөрээри

Эйиэхэ мин кэллим,

Эбэрдэ аҕаллым.

Сэһэргээ, ньургуун,

Дьэ, хайдах кыстаатын,

Сылаас күн сыламын

Төһө өр кэтээтин?

Бу күнү көрсөөрү

Бу күнтэн үөрээри

Эйиэхэ мин кэллим,

Эбэрдэ аҕаллым.

Эйигин уруйдуу

Туйаарар ыллаата,

Эргиччи үөрбүттүү

Тулабыт сырдаата.

Бу күнү көрсөөрү

Бу күнтэн үөрээри

Эйиэхэ мин кэллим,

Эбэрдэ аҕаллым.

Сиккиэр тыал сэмэйдик

Суһуоххун тараата,

Сиик- таммах дэлэйдик

Ситэри симээтэ.

Бу күнү көрсөөрү

Бу күнтэн үөрээри

Эйиэхэ мин кэллим,

Эбэрдэ аҕаллым.

*2014 сыл, олунньу 25 к., Хатырык*